

## Fundur í fræðslunefnd Langanesbyggðar haldinn í leikskólanum Barnabóli þriðjudaginn 10. september og hófst kl 16:00.

**Mættir:** Siggeir Stefánsson, Halldóra Jóhanna Friðbergsdóttir, Ólína Ingibjörg Jóhannesdóttir, María Guðmundsdóttir, Hildur Stefánsdóttir, Magdalena Sylwia Zawodna, Svala Sævarsdóttir, Stefán Benjamínsson, Þorsteinn Egilsson, Ingveldur Eiríksdóttir og Sigríður Jóhannesdóttir sem ritaði fundargerð.

Formaður bauð fundarmenn velkomna

### Dagskrá:

#### 1. Skýrsla skólastjóra grunn- og leikskóla Langanesbyggðar

##### Halldóra Jóhanna Friðbergsdóttir, leikskólastjóri á Barnabóli.

- Fundur með foreldrum í lok ágúst þar sem vetrarstarfið var kynnt.
- Eldri deildin fór og tók upp 50 kg af kartöflum, ásamt nokkrum foreldrum. Daginn eftir voru kartöflurnar settar í kerrur og farið með þær niður á Naust.
- Gerður Magnúsdóttir kom vegna grænfánaverkefnisins. Leikskólinn er á réttri leið í grænfánaverkefninu. Halldóra kynnti Grænfánaverkefnið fyrir nefndarmönnum. Mikilvægt að fara að kynna verkefnið meira út á við. Áhugavert fyrir grunnskólana í Langanesbyggð að skoða sína möguleika á þáttöku í Grænfánaverkefninu.
- Komið inn aukabarn á Stekk í tímabundna vistun.
- Ein umsókn var dregin til baka og því byrjar 1 nýtt barn á Seli í lok september.
- Leikskólinn er 30 ára 10. október.

##### María Guðmundsdóttir skólastjóri Grunnskólans á Bakkafirði.

- María fór með Nordplus krökkunum til Lettlands í hálfan mánuð. Frábær ferð í alla staði og gekk vel. Gaman að sjá hvernig aðstæðurnar eru í öðrum löndum t.d. hvað varðar kennslu og aðstöðu til kennslu.
- Félagsstarfið er að fara af stað á fimmtudögum á Bakkafirði. Klemens mun sjá um það.
- Skólaþjónustan er að koma 17. september. Biðtími vegna greininga ræddur en hann er alltof langur.
- Ingvar hafði samband nýverið. Dagana 8.-10. október er kynningardagur í Hagaskóla og þar er verið að biðja Maríu og Bylgju að koma og kynna opnu vinnustofurnar.
- Samræmdu prófin eru á leiðinni og byrja 24. september. 7 börn fara í próf á Bakkafirði.
- Kadri hafði samband vegna aksturs vegna tónlistakennslu á Bakkafirði. Búið að senda tölvupóst vegna þessa á Ólaf.

##### Ingveldur Eiríksdóttir skólastjóri Grunnskólans á Þórshöfn.

- Nordplus ferðin gekk vel og krakkarnir ánægðir.
- Nú er að koma mynd á sérkennsluna. Mikið lagt í hana í vetur. Skólaþjónustan kemur að skoða þau mál í næstu viku í heimsókn sinni.
- Mikill munur á skólastarfinu og mikill munur að fá þessar viðbótar stofur. Viðhaldið sem unnið var sem gerðar voru í sumar voru góðar og allt annað loft í skólanum.
- Mikið af forföllum í upphafi skólaárs. Heba, Hrefna og Þorsteinn Ægir eru öll í námi sem er gleðiefni en það skapar forföll sem þarf að leysa.
- Nýjir kennarar hafa ekki náð að funda með foreldrum en það stóð til í upphafi skólaárs. Einnig var Ingveldur búin að áætla að halda fund með nokkrum árgöngum sem ekki er búið. Fyrirhugað er að Art kynningarfundur verði fljótlega.
- Valið er aðeins farið af stað. Ljóst að það þarf að endurraða því svo að Bakkfirðingar geta nýtt sér það betur. Svolítið erfitt að raða þessu saman.

- Olweusáætlunin fer að fara af stað.
- Samtalsdagur verður næsta föstudag. Samtalsdagurinn er liður í námsmati skólans.
- Í næstu viku eru fyrirhuguð starfsmannaviðtöl. Staðlaður spurningarlisti sem starfsmenn fá og þurfa að svara. Hefur gefist vel. Þar er einnig farið yfir endurmenntunina og hvað starfsmenn hafa áhuga á.
- Skólafarið hefur farið vel af stað og gengur vel.
- Mörg börn í gæslu núna. Nokkur kennara börn og svo önnur börn og eru til kl 16. Gengur vel og kemur vel út.
- Lagði fram gögn um kynningu á námsmati, um starfsmannasamtal, um samtalsdaginn og bækling um undirbúning fyrir samtalsdag

## 2. Skýrsla Tónlistarskólans

### Ingveldur Eiríksdóttir, skólastjóri Tónlistaskóla Langanesbyggðar

- Ingveldur er búin að hitta Kadri og þær eru búnar að fara yfir vetrarstarfið.
- Það eru komin 4 börn á biðlista í tónlistaskólanum. Verið að skoða hvað er hægt að gera í því.
- Stundarskráin er send út mjög seint fyrir hverja viku sem skapar óþægindi fyrir nemendur og foreldra. Þetta þarf að laga.
- Stendur til að gefa út skólalagatal fyrir tónlistaskólann.
- Ingveldur var ekki búin að fá námsmatið frá því í vor.
- Stefnt á kennslu í tónfræði og námsmat á haustönn og vorönn.

## 3. Fyrirhugð byggingin nýs leikskóla

Siggeir kom með smá inngang um þau mál. Fundur í nefndinni í síðustu viku sem stofnuð var vegna fyrirhugaðar byggingu nýs leikskóla. Halldóra fór í stórum dráttum yfir hvað kom fram á þeim fundi en þar kom fram hugmynd um að reisa einingarhús við gamla leikskólann. Á þeim fundi kom einnig fram að það stendur ennþá til boða að kaupa Langanesveg 2 fyrir leikskólahúsnæði. Fundarmenn ræddu þær hugmyndir sem hafa komið fram og einnig hvort skynsamlegt sé að horfa frá því að byggja leikskólann við Grunnskólann.

## 4. Fagleg kennsla

Markvissara innra mat skólanna vantar. Þarf að taka fyrir ákveðna þætti og meta þá. Gott fyrir skólastjórana að gera áætlun um innra mat skólanna.

Halldóra kynnti að það er ekki til áætlun um endurmenntun starfsmanna í leikskólanum. Slík áætlun er hins vegar orðin skylda í grunnskólunum.

Ingveldur telur að ef námskráin er góð þá sé hún gott plagg til að nota í faglegu mati í skólanum. Þessi mál eru hins vegar á byrjunarreit í Grunnskólanum á Þórshöfn þar sem verið er að móta nýja skólanámsskrá. Alveg sama hvar er borið niður þá þarf að koma verkferlum innan skólans í samræmi og slíkt gæti átt heima í starfsmannahandbók. Í vetur verður búið til sjálfsmatsteymi í grunnskólanum á Þórshöfn og gerð aðgerðaráætlun í framhaldi af því. Ingveldur kynnti fyrir nefndinni viðmiðunarstundaskrá aðalnámsskrár og lagði fram gögn.

María kom inn á skiptingu á námsgreinar í grunnskólanum á Bakkafirði.

## 5. Starfsmenn

Ingveldur kynnti breytingar í starfsmannamálum. Ólína Ingibjörg forfallast í vetur og því var auglýst var eftir nýjum stærðfræðikennara. Ákveðið var að ráða Hönnu Maríu Pétursdóttur í starf leiðbeinanda við skólann eftir að upplýsingar um hana höfðu verið sendar á fræðslunefnd. Kennslan fer vel af stað hjá henni. Hanna María er guðfræðingur að mennt og hefur unnið lengi sem leiðbeinandi.

Fræðslunefnd mælir með ráðningu Hönnu Maríu Pétursdóttur til starfa sem leiðbeinanda við grunnskólann á Þórshöfn.

6. **Fundartímar FN**

Rætt um að finna fastan tíma, funda hálfsmánaðarlega og að það séu ekki allir sem mæta í einu. Þá eru tekin fyrir færri mál en miðað við það að fundirnir taki ekki meira en 2 tíma. Næsti fundur fræðslunefndar verður því þriðjudaginn 24. september og verður dagskrá send út síðar.

7. **Skólaþjónustan**

Þessum lið frestað fram að næsta fræðslunefndarfundi.

8. **Skólastefna LNB**

Siggeir kynnti að það er búið að halda einn fund með Ingvari þar sem byrjað var að ræða um nýja skólastefnu. Ráðgert er að halda í framhaldi af þeim fundi íbúafund í október.

9. **Útivistartími og skilaboð**

Kynnt að vímuvarnarráð ætla að funda í vikunni og þar verður útivistartími tekinn fyrir. Rétt að vímuvarnarráð sjái um að koma þessum skilaboðum á framfæri. Segullinn sem var sendur í öllu hús fyrir nokkrum árum var nokkuð góður. Fræðslunefnd hvetur vímuvarnarráð til að senda skilaboð um útivistartíma barna sem fyrst.

10. **Hollvinasamtök**

Ingveldur kynnti að hún sé búið að funda einu sinni með þeim vegna afmælis skólans og þau eru komin af stað með vinnu í tengslum við það. Hollvinasamtökin eru hvött til þess að kynna sig betur í samfélaginu og reyna að efla samtökin.

Fleira ekki gert

Fundi slitið kl 18:20